

# Ленинэнь Киява

НОЯБРЯНЬ  
27-це ЧИ  
1937 ие  
№ 134 (813)  
ЛИСИ: 7-це ИЕ  
ЧИНЬ ЮТАЗЬ

ВЛКСМ-нь Мордовской обкомонтъ ды Саранскоень ошонь комитетэнтъ газетаст

Москов, Кремль

## СТАЛИН ялгантень

(Саранскоень, Лямбирень, Кочкуровань районь колхозниктнэнь марто вейсэ Саранск ошонь трудицятнэнь 25-тысячной митингентъ сермазо)

Дорогой Иосиф Виссарионович!

Саранск ошонь робочейтне, служащейтне, тонавтничяйтне, студентнэ ды инженерно-технической роботниктнэ, весе трудицятне, ды МАССР-нь Саранскоень, Лямбирень, Кочкуровань районтнэнь колхозниктнэ, конат пурнавств общегородской митингс, кона посвященной ССР-нь Союзонь Верховной Советс кочкамотненень, кучить Тонетъ, гениальной вождентень, од Конституциянь ды социалистической избирательной законь творецэнтень пламенной большевистской поздоровт.

СССР-нь ине од Конституциянь знамянтъ ало, конань (Конституциянтъ) творецэкс аштят Тон, Сталин ялгай, минек родинань свободной ды счастливой народось чалгась всемирно-исторической торжествантень—СССР-нь Верховной Советс кочкамотненень читнес, анокстамонь решающей читнес.

Сталинской избирательной законь кепедсь политической эрямос трудицян од слойть, конат (трудицятне) советской весе народонть марто единодушна проявляют творческой активность ды славят, Тонь, Сталин ялгай, леметь прок гениальной вождь ды социалистической победатнэнь организатор минек необ'ятной социалистической родинань многонациональной народонь счастливой ды радостной эрямонь Конституциянь прок творецэнтъ.

Мордовской народось выражает Тонетъ, Сталин ялгай, эсинэ беспредельной благодарностенэ эрва чинь заботантъ ды лездамонтъ кис, конат обеспечили миненек свободной, равноправной ды счастливой эрямо.

Неизмеримой минек ненавистесь японо-германской фашизмань подлой агентнэненъ — контрреволюционной троцкистнэненъ, бухарицеитнэненъ ды буржуазной националистнэненъ, конат снартность саемс минек завоеваниянок ды минек велявтомс капиталистической рабствань, нищетань, вачо-чинь, невежествань кинть лангс. Минь, Сталин ялгай, кочкамотненень анокстамонь читнестэ кемьнексь кепедьсынек мицек большевистской бдительностентъ, педепес разоблачим ды маштсынек троцкистско-бухаринской ды националистической весе подлой бандитнэнь.

Дорогой Сталин ялгай! Верховной Советс кочкамотненень анокстамонь радостной читне минек ошонть туртов дополнились выдающейся событияко. Миненек сась Сталинской сех вадря питомецтнэнь эйстэ вейкесь, знаменитой полярникесь, Северной полюсонть завоеваниянзо коряс экспедициянь мужественной начальникесь, Верховной Советс депутатк минек кандидатось, Советской Союзонь Героесь **Отто Юльевич Шмидт**.

Северсэ эень чатьмониця пущынтнэнь вельксэс минек родинань сехте вадря цератне, неутомимой **Отто Юльевич марто вейсэ** кепедсть Сталинской эпохань величиянь знамя. Те сон—большевикесь, ученой исследователесь **Водопьянов марто** ды советской народонь лият славной цератнэнь марто, конат вдохновляемой ломантнеде **Тонь** заботасот, практикосо осуществили Арктикань освоениянь гениальной планонтъ.

Бесстрашной геройтнэнь, кода **Отто Юльевич**, конат анокт топавтомс минек партиянтъ эрва кодамо заданиянзо, могла воспитать ансяк минек родинась, ансяк минек большевистской партиясь, конантъ руководит великой ды мудрой **Сталин**.

Минь гордимся, што Верховной Советс депутатк минек кандидаток является великой **Сталинэнь** сех вадря воспитанникесь—большевистской партиянь знатной церась **Отто Юльевич Шмидт**.

**Отто Юльевич** миненек самонтъ, минь **Сталин ялгай**, лодано, минек ленинско-сталинской ЦК-нтъ прок заботакс трудицян миллионной массатнэнь марто минек масторонь выдающейся ломантнэнь связдест, Верховной Советс депутатокс эсь кандидатнэнь—минек родинань, Ленинэнь—**Сталинэнь** минек родной партиянь сех вадря цератнэнь марто кочкиятнэнь сталинской единствантъ прок воплощениякс.

Бесстрашной „ледовой комиссаронтъ“ **Отто Юльевич Шмидтэнь** минек кедьсэ улимзо вдохновляет минек, **Сталин ялгай**, большевистской тевтнес, избирательной участкатнес агитационно-массовой роботантъ келейстэ аравтоманзо коряс неутомимой роботантень. Минь эрва кочкиятнэнь большевистскойстэ евтнесынек минек избирательной округтнэсэ Союзонь Советс ды Национальностнэнь Советс депутаткс выдвинутой сех вадря ломантнэнь эрямонь кист, роботаст ды заслугаст.

Исторической чистэнтъ—декабрянь 12-це чистэ участкатнес минь организованнойстэ сатано миньс ды обеспечим весе кочкиятнэнь стопроцентной самост, ды весе, кода вейке ломань, макссынек эсинек вальгеенек Верховной Советс депутатк минек кандидатонк **Отто Юльевич Шмидт**, **Иван Алексеевич Кузнецов** ды **Николай Викторович Красовский** ялгатнэнь кис, прок ломантнэнь кис, конат тевсэ невтизь эсист беззаветной преданностест народонтень, безграничной преданностест Ленинэнь—**Сталинэнь** партиянтень.

**Шумбра** улезэ коммунизмань кис неустрашимой борецтнэнь сталинской племясь!

**Шумбра** улезэ социализмань Конституциянтъ творецэсь, Великой мудрой вождесь ды весе мирэнь трудицятнэнь учителесь **Сталин ялгась!**



СНИМКАСОНТЬ: плакатось, конань нолдызе Изогизэсь избирательной кампаниянтень. Плакатонтъ авторозо—художникесь П. Ястребовский.

## КОНСТРУКТОР ИЛЬЮШИН

**Сергей Владимирович Ильюшин** авиационной—сехте талантливой ды смелой конструктортнэстэ вейкесь. **Ильюшинэнь** конструкторской арсемань ясностесь ды смелчись, сонэ настойчивостесь, беспримерной работоспособностесь практической покш опытэнтъ ды теоретической келей кругозоронтъ марто вейсэ тейстэ сонэзэ заслуженной авторитет авиационной промышленностень робочейтнэнь ды специалистнэнь ютксо.

**Бедняконь-крестьянинэнь** церась, **Ильюшин ялгась** ютась эрямонь суровой школа. Сон эщо церынекс кармась роботамо землепопекс, черноробочеекс. Ковозонзо получил 10 целковойть. Мейле ульнесь табельщикекс, строителекс, смазчикекс. 1914 иестэ **Ильюшин** мобилизовазель армияв. Кавто иень ютазь понгсь аэродромной командас. Те школастонтъ саезь, пожалуй, ушодовияк авиациянтъ марто сонэзэ практической знакомствазо. Авиационной вейке частьстэ омбоцес непрерывна ютнэзь, **Ильюшин** постепенна кепедсь авиационной квалификациянтъ, кассь политически. 1918 иестэ сон совась коммунистической партиясь.

1921 иестэ сон ульнесь командировазь авиационной инженертнэнь институтс, кона мейле реорганизовазель Военно-воздушной академиякс. Вете иеле мейле сон

прядызе сонэзэ. **Ильюшинэнь** меельсе деятельностиэзэ малавикстэ сюлмавозь опытной самолетостроениянтъ марто. Сон роботы РККА-нь военно-воздушной вийтнэнь научно-испытательной институтсо, Центральной аэро-гидродинамической институтсо (ЦАГИ). Меельсь ниле иетнэнь перть **Ильюшин ялгась** роботы авиационной 39 № заводсо, косо организовась ды возглавляет конструкторской бюоронтъ.

**Ильюшинэнь** лемезэ теснасто сюлмавозь Советской Союзонть планеризмань пек виевствэ касомантъ марто. **Сергей Владимирович** макссь советской учебной планертнэнь васенце конструкторият. Планерной спортонтъ кастомасонзо покш заслугатнэнь кис правительствась **Ильюшин ялгантъ** наградил Красной Звездань орденсэ.

**С. В. Ильюшин** конструкторонтъ сехте покш детищакс ашти известной скоростной самолетось „ЦКБ—26“. Те самолетсонть **Ильюшинэнь** покш оязо пилотось орденосецэсь **В. К. Коккинаки** тейсь зярья блестятельной рекордной высотной ливтнемат.

Самолетнэнь конструированомнь тевсэнтъ выдающейся заслугатнэнь кис правительствась **Ильюшин ялгантъ** наградил Ленинэнь орденсэ.

**Ильюшин ялгась** Рузаевской избирательной округкантъ карми баллотироваться Национальностнэнь Советс.

# ОТТО ЮЛЬЕВИЧ ШМИДТЭНЬ РЕЧЬСТЭНЗЭ

МИТИНГСТЭ, КОНА УЛЬНЕСЬ ПОСВЯЩЕННОЙ СССР-НЬ  
ВЕРХОВНОЙ СОВЕТС КОЧКАМОТНЕНЕНЬ

Ялгат! Малав сы декабрьн 12-це чись, зярдо минек масторсь, весе сонзэ народось тайной голосованиясь выразит эсинзэ воляно, выразит безграничной доверия коммунистической партиантень, Верховной Советс неть ломантень кучозь, конатненень народось уверен.

Мон пек благодарен весе монь кочкиятненень ды тыненк, Мордовской республикань кочкиятненень, покш довериянть кис, кона максозь монень, сень кис, што тынь монь аравтымизь СССР-нь Верховной Советс депутатк кандидатокс. Те покш довериянть мон обязан идемс, ды аволь икелень заслугатнесэ, но эрви икеле пелеяк роботамс вадрясто ды идемс народной довериянть. Тень туртов эрви улемс верноекс Ленинэнь—Сталинэнь ине знамянтень, те знамянт ало минек масторсь теишь победат Северсэяк ды Югсояк.

Сталинской заданиянть коряс Северсэ победатненень, Арктикань овладениянть кис минек бороцямонть содасысь весе. Тесэ перьканок ламо минек смена—эйкакшт—сыннь, наверна, содасысь весе ледоколтнень лемест, Ледовитой океанонь весе островтнень, сыннь наверна Арктикант содасысь истя жо вадрясто, кода мон. (Пейдемат).

Северэв минь молядно шуткав-томо ды аволь зря. Тосо минек учи покш теб. Северсэ, Ледовитой океанонь побережьясь, тундрасо зреть ломант—минек братонок, ды минь должны пачтем тенст культура, минь должны лездем тенст вадрылгавтомс эсист хозяйствася.

1932 иестэ васенцеде минь ютынек „Сибиряков“ ледоколсо весе Ледовитой океанонь вейке кизэс. Те ульнесь исторической дата, ды мейле эрва иестэ навигациясь келейгадсь.

Эрва бороцямосонт, победатненень марто вейсэ, улить жертват, улить задоринкат.

Примерэкс ульнесь челюскинской эпопеясь, зярдо минек кораблясь ваясь. Но „Челюскинэнь“ гибелесь максь толчок Арктикань од развитиянтень, опытэсь жо, ко-

нань минь приобрели эй лангсо, лездем тенек модемс Северной полюсов.

Северной полюсов ливтямось покшолгавтызе Северэнть кис бороцямонь минек историянь замечательной эщо вейке главантень.

Минек икеле аштесь задача, кода пачкодемс Северсэ? Самолетнэсэ? Самолетнэ должны ульнесь ускомс покш груз, научной станция, приборт ды лият. Ламот тенек предсказывали—мезеяк а лиси.

Савсь модемс се ломанентень, кона а пели смелой проектнаде, кона свал поддерживает смелой мысля, кона свал тетякс проверясы, возможна ли ютавтомс смелой те мыслянт, кона свал лезды эсинзэ указаниясонзо, кемектасы эсинзэ авторитетсэнзэ — минь молинек Сталин ялгантень. (Виев аплодисментт).

Сталин ялгась интересовался особенно сеньсэ, зярос полюс маласо станциясь лезды васоло перелетнень. Сестэ уш ульнесь плансо Северной полюска Чкалов, Байдуков ды Беляков ялгатненень перелетост. Ды вана Сталин ялгант поддержкасо минь направили полюсов минек маршрутонок.

Полетось оказалс удачнойкс.

Кода минь эринек полюсо? Минденек ламо сермадсть, што минь „бесстрашнойт“. Бесстрашноекс улемс а истя уш стака. Илядо арсе, што тосо ужасна. Мон ульнинь тосо самай теке тужуркасонть, теке шапкасонть.

Минь сынек полюсо ды меринек: ну саты тенть! Кувать тон ульнить ськамонт, ней минь сынек составить компания.

Истя минь яволявтынек, ды полюсось чаркодсь, што вана зярдо састь алкуксонь азорт—советской большевикт, сон не возражал. Полюсось эзь тее тенек мезеяк берянь секс, што природась покоряется ломаненть икеле, кона машты од эрмонь строимо, строимо жо минь маштано.

Минек тенень тонавтымизь мудрой партиась, минек ветясь ды вети изняксто изняксо человекствань вождесь, светсэнть сехте вечкевикс ломанесь—Сталин ялгасы!

(„Ура“ сееремат, пек виев аплодисментт).

## Ваензамс антирелигиозной роботанть

Мокшалай велень „Красная мордовия“ колхозонь колхозниктненень ютксо пек лавшосто аравтозь антирелигиозной роботась.

Поптне, манашкатне ды контрреволюционной лия сворась эрва кода зыяновсто толковить колхозниктненень ды колхозницатненень Сталинской Конституциянт ды кочкамонь закононт. Но комсомольской организациясь те чис эзь максо большевистской отпор велесэнтэ антисоветской агитациянтень ды эзизе вадрылговт антирелигиозной роботанть.

Ст-н.

Чамзинкань р-н.

## 66 центнерт суро

Покш Березникень район. Шугурова велень Каганович лемсэ колхозсонть эри 47 иесэ колхозник—Абрамов Сергей Ильич. Васень шкастонть сон роботась конюхокс, меельсе шкастонть—бригадиркс. Сергей Ильич ськамонзо тейсь 500 трудочить, весемезэ жо семьем тейст 1150 трудочить, конатненень лангс получасть 66 центнерт суро.

Абрамов ялгась эри сьупавсто. Ули скалозо ды ревензэ. Тедиде парсте роботамонт кисэ получасть премия.

Тонавтиця.

## Кучозь 15 пропагандистт

Политпросвет школань партийной ды комсомольской организациянтне кучсть 15 пропагандист избирательной участкатненень, косо робочейтненень ды колхозниктненень

ютксо толковить Сталинской Конституциянт ды Верховной Советс кочкамонь закононт.

А. Миронов.

# Народной кандидатнэ

Окружной избирательной комиссиейне минек Мордовской АССР-га прыдызь СССР-нь Верховной Советс депутатокс кандидатнэнь регистрациянт.

Союзонь Советс депутатк кандидатокс Ардавань 342 № избирательной округканть регистрировазь К. Д. Валгаева, Саранскоень 343 № избирательной округканть—И. А. Кузнецов, Рузаевкань 344 № избирательной округканть—И. П. Ларионов-Ескин, Краснослободской 345 № избирательной округканть—Н. И. Васильев. Национальностненень Советс депутатк кандидатокс Ардаванской 419 № избирательной округканть регистрировазь—М. А. Чембулатов, Атяшевской 420 № избирательной округканть—М. Е. Печказова, Покш-Березникень 421 № избирательной округканть—П. М. Яскин, Саранскоень ошонь избирательной 422 № избирательной округканть—Н. В. Красовский, Саранскоень сельской избирательной 423 № избирательной округканть В. С. Курмышкин, Рузаевской 424 № избирательной округканть С. В. Ильющин, Ковылкинской 425 № избирательной округканть А. Н. Сергеев, Рыбчинской 426 № избирательной округканть О. Я. Мещерякова, Краснослободской 427 № избирательной округканть—М. И. Кулаков, Темниковской 428 № избирательной округканть В. Н. Чапаев, Горбеевской 429 № избирательной округканть М. И. Чадайкина.

РСФСР-нт пельде Национальностненень Советс депутатк кандидатокс Казанской избирательной округканть, козонь сови минек республикаськак, регистрировазь весе мирэнтень содавикс ломанесь, полярной легендарной экспедициянь начальникесь, академикесь, исследовательсь, Советской Союзонь Гороесь Отто Юльевич Шмидт ялгась. Весе не ялгатненень кастынзе Ленинэнь—Сталинэнь партиясь. Большевистской партиясь ды советской государствась сынст эйстэ кастась замечательной минек эпохань ломанть, конат педепес преданнойт Ленинэнь—Сталинэнь теветень, коммунизмань теветень. Эрва кандидатонт биографиясто неяви минек масторонть чудесной касомазо, советской наро-

донть касомазо. Тесэ прок зеркала со невтезь ленинско-сталинской национальной политикась, конань результатокс ашти минек масторсонть народностненень, икеле сех пек удалов кадовозтненень, угнетеннойтненень ды бесправнойтненень, возрождениясь ды расцветэсь. Октябрьской социалистической ине революциясь макссь минек необъятой родинань весе трудиянтненень счастливой ды зажиточной эрймо.

СССР-нь Верховной Советс регистрировазь весе депутатнэ минек од ломантненень невтити пример, кода большевикекс эрви роботамс, штобу получам ине народной довериянт. Минек од ломантненень ули мезес тонавтемс Верховной Советс выдвинутой неть кандидатнэнь пельде. Ды секскак минек од ломанесь должен вадрясто содамс регистрировазь эрва кандидатонт биографиянзо.

Комсомольской организациянтненень икеле ней пек покш ответственность—лездам партиантень сеньсэ, штобу толковийстэ евтнемс кочкиятненень ды од ломантненень ютксо СССР-нь Верховной Советс выдвинутой кандидатнэнь эрймо ст ды касомаст.

Комсомольской организациянтне нейке жо обязанн максомс покш лезкс довереннойтненень регистрировазь кандидатнэнь кис агитациясонть, штобу весе вейкенъ пес од избирательтне максовлизэсист вайгелест Верховной Советс выдвинутой кандидатнэнь кис.

Ней политической агитациянь весе методтнэ должны улемс аравтозь те важной мероприятиянтень—СССР-нь Верховной Советс кочкамонть анокстамонтень. Собрания, клубга, квартирава тейнемс докладт, беседат, сермалемс лозунгт, стенгазетат, невтемс кинот ды лият—весе неть должны улест аравтозь ве цельс—декабрьн 12-це чинтень анокстамонтень, штобу избирательтне урнатненень надавлизь бюллетентненень родинань сехте вадря цератненень ды тейтерьаватненень кис.

Весе вийтненень, комсомольской весе организациянь вниманиянт аравтомс СССР-нь Верховной Советс выдвинутой кандидатнэнь кис агитациянтень.

## Лездыть кочкамонь комиссиятненень

Покш Березникень р-н. Шугурова велень долгосрочной отпусков сазь якстереармеецтнэ: Арикин, Фадеев, Бояркин ялгатне лездыть кочкамонь комиссиятненень. Сыннь сермадыть кочкиянть списоктненень, толковить колхозниктненень ды колхозницатненень, кочкамонь Положениянт, бригадатнева нолдыть специальной стенгазетат кочкамотненень анокстамонть.

Н. Б—в.

## Пионертнэ-агитаторт

Ташто Ардавань пионерской организациянтень васенце № отрядонт пионертнэ: Авдеев Сема, Матаев Миша ды лият сайст эсь лангозост обязательства, штобу 10-нь кудосо кочкиятненень ютксо ловномс кочкамонь закононт. Ды сыннь топавтыть эсист обязательстванть.

М. Елисейкин.

Ардавань р-н.

## Вадрясто анокстыть кочкамотненень

Покш Березникень р-н. Косогор велень омбоце № кочкамонь участкась (председателесь Кеняйкин) вадрясто аноксты декабрьн 12-це чинтень. Умок уш сермалезь кочкиятненень спискатне ды понгавтнезь стенава, помещениятне весе анокт. Агитатортнэ эрва чокшне ютавтити кочкиятненень марто занятия, косо толковить кочкамонь закононт.

К. Мокшов.

## Лишной сюрост мийть государств

Те иестэнтэ Ташто Мурза велень колхозниктне ламо суро получить эсист трудочитненень лангс. Сыннь лишной сюрост мийть государств.

Вана Ламбаин колхозникесь мись 2 центнерт розь, Катаев 1 центнер, Старкин 1 центнер, Тюков трактористэсь мись 3 центнерт товзуро ды ламо лият.

Полежаикин.  
Ламбаин.

Кочкуровань р-н.



СНИМКАСОНТЬ: Советской Союзонь Героець Валерий Павлович Чкалов—Национальностнень Советс депутатокс балотируется Горьковской избирательной округканть.

### ПАВЕЛ МИХАЙЛОВИЧ ЯСЬКИН

Шачсь 1878 иестэ Покш-Бережникинь районь Шугурова велесэ, крестьянинэнь-бедняконь семиясо.

1891 иестэ саезь 1917 иес сон работась Волга лангсо, васня матросокс волжской пароходтнэсэ, мейле тоско жо, Волга лангсо—водоливец.

1917 иестэ саезь 1919 иес работась велень хозяйствасо. Комсеце иестэнь жо Яськин таго понгсь Волгав, мейле Волгасто сась кудов ды роботы велень хозяйствасо. 1927 иес Яськин ялгась роботась эсинэзэ личной хозяйствасонзо, 1928 иестэ Шугурова велесэ организовасть моданть вейсэнь обработканзо коряс товарищества ды Яськин ялгась совась тозонь, седе мейле товариществась ульнесь теезь „Вейсэ“ колхозокс. 1934 иестэ колхозонтэ организовасть опытной пакся ды хата-лаборатория. Яськин ялганть аравтызь хата-лабораториянь заведующеекс. Ней сон ВКП(б)-нь сочувствующей 1935 иеста.

Яськин ялгась колхозсо ютавты опытт урожайностень кепедманзо коряс ды сонэзэ роботанть результатсо урожайностесь кассь 26 центнерс зерновойть гектарсто.

Павел Михайлович Яськин эсь колхозонь ды перьканзо аштиця колхозтнэнь колхозниктнэнь ютксо авторитетной—кода опытник, кода выдержанной колхозник, аволь весть премировакшнызь КрайЗУ-сь, районной организациятне ды МТС-нь политотделесь.

### МОПР-нь организациясь а роботы

Ардатовань педагогической училищань МОПР-нь организациясь мезеяк а роботы. Руководительсь Калашников те чис вейкеяк беседа эзь ютавто границань томбале трудиятнень стака эрямодост, Испаниясо ды Китайсэ событиятнеде ды лиядо.

Истя жо комсомольской организацияськак а снартни Калашниковень пельде вешемс комсомольской ответственность МОПР-нь организациянтэ роботанзо кис ды кармавтомс сонэзэ роботамо. П. Ерискин.

### Николай Викторович Красовский ялгась выдвинутой Национальностнень Советс депутатс кандидатокс

СССР-нь Верховной Советс кочкамотнень коряс Саранскоень городской избирательной округканть Национальностнень Советс депутатс кандидатокс выдвинутой Николай Викторович Красовский ялгась.

Красовский ялгась шачсь 1904 иестэ. ВКП(б)-нь член. Званиязо—полковник, заслуженной погра

ничник-орденоносец. Ней роботы Мордовской АССР-нь Внутренней Тевтнень Народной Комиссарокс.

Саранскоень городской избирательной округонь общественной организациятне энялдсть Красовский ялганть, штобу сон максовлизе согласиянзо баллотироваться Национальностнень Советс депутатс кандидатокс.

### Иван Павлович Ларионов-Ескин

Ларионовтнэнь бедняккой семиясь эрясь кши ды поза лангсо, ды а месь ульнесь арсемс седе, штобу церанть максомс куш бу средней образования. Церынесь рана кармась роботамо тетязо хозяйствасо, но яла теке прядызе начальной школанть.

Энергичной ды предприимчивой, сон чаркодсь, што кадовомс модань скудной клочок лангсо хозяйствань ветямо—значит трудонь каторжной условиятнень пингстэ максомс эсь прятнь постоянной нуждас, вачо-чис ды лишенияс.

Родной веленэзэ эйстэ ниле километрань таркасо—чугунной кинь крупной узелось—Рузаевкась. Ванянь ламо односельчантэ роботастэ тосо, ды сон нейсь, што железнодорожиктнэ—овси лия закалкань ломанть, чем крестьянской беднотась, кона ливезьсэ ды верьсэ валсь модань жалкой полосатнень, конат не обеспечивали кши сускомсо пелетелескак.

Робочейтнень, кода крестьянтнэньгак, лепштысь помещичье-капиталистической государствань организованнойть, развитойть. Сынь нейсть ки, конань эзга эряви модемс, ды анокстасть капитализманть каршо решительной схватканть. Сыненст бажась кеветее иесэ подросткась. Ды вана 1916 иестэ Ваня Ларионов тусь Рузаевкав ды кармась роботамо паровозной депосо слесарень подручнойкс. Те чистэнь сонэзэ эря-

мозо кеместэ сьулмавозь транспортсо роботанть марто.

Империалистической, мейле жо гражданской войнась транспортной хозяйстванть ветизь малав допрок каладомас, но од железнодорожикесь эзизе кадо вечкевикс тевенэзэ.

1918 иестэ сон—машинистэнь помощник. Помощникекс соненэзэ савсь ардтнемс 1927 иенть самс. 1927 иестэ Ларионов ялганть доверяют паровоз ды 1936 иес апок полавтне вете поездт, 1936 иестэ сонэзэ аравтызь машинистэкс наставникекс.

Рузаевкась—Иван Павлович Ларионов-Ескин стахановецэнь колыбелезэ, тесэ сон кармась роботамо, тесэ сон роботы нейгак.

Иван Павлович—активной общественник. 1922 иестэ саезь 1923 иес сон ульнесь комсомолецекс. 1936 иестэ совась ВКП(б)-нтень сочувствующейтнень группас. ВКП(б)-нь историйанть тонавтнеманзо коряс кружоконтэ активной кунсолыця. Рабкор.

Прими активной участия общественной эрямосонтэ, Каганович ялгась наградил сонэзэ „Почетному железнодорожнику“ значоксо. Примазь ВКП(б)-нь членекс кандидатокс. Ней выдвинут Рузаевка станциянь депонь начальникентэ заместителекс.

Ларионов-Ескин ялгась Рузаевкань избирательной округканть карми баллотироваться СССР-нь Верховной Советс.

### Ольга Яковлевна Мещерякова

Кемнилее иесэ тейтерьнекс мольсь роботамо Ширингушской суконной фабрикав. Эрямось ульнесь пек стака. Алкине заработка, кшинть ды вандинь чинть кис заботямо—вана мейсэ ульнесь пештязь сонэзэ арсеманзо ды эрямозо Октябрьской Социалистической Ине революциядонть икеле.

Ютась Октябрэсь. Лиякс кармась молема эрямось фабрикасонть. Лиякстомсть Ольга Яковлевнань арсеманзо, целенэзэ ды бажамонзо.

Ней сон общественной эрямосонтэ активной работница, фабкомонь ды поселковой советэнь член. Сехте замечательной чикс сонэзэ эрямосонзо, ульнесь се чись, кода 1934 иестэнь сонэзэ кочкизь МАССР-нь ЦИК-нь членекс. Те шкастонть Ольга Яковлевна седеяк эщо активнойстэ роботы поселковой советсэнть, лезды робочейтнень чаркодемс волнующей сынт вопростнэнь, лезды фабкомонтэньгак.

Ольга Яковлевна фабрикань стахановка. Образцовой роботанзо кис ламоксть ульнесь премировазь.

### Витемс асатыктнэнь

Госпланонь ды нархозучетонь комсомольской организациясь (комсоргось Сайгашкина) парсте аравтызе СССР-нь Верховной Советс кочкамотнеде Положениянтэ толковамонзо. Организовазь специальной кружок, козонь таргазь ламо аволь союзной од ломанть. Эрява комсомолецэнтэ сатышка кочкамотнень коряс литературазо.

Но яла теке улить покшт асатыктс, конат эщо те чис апок вите. Советс кочкамотненень анокстамонть коряс стенгазетань номерт апок нолда ды редколлегиясь мельсэнэзьяк а кирди тень кувалт. Ответэнь ды кевкстнемань чокшнеть апок организова, справочной стол арась.

Эряви комсомольской организациянтэнь витемс неть асатыктнэнь, седеяк парсте аравтомс Советс кочкамотненень анокстамонть.

Водясов.

Саранск.

### А СТУВТОВИЦЯ МИТИНГ

Ноябрянь 23-це чистэ, чить 10 чассто, Ромодановасо ульнесь митинг, кона посвященоель кочкицянтнень эсист кандидатнень марто вастоманть.

Рана валске марто ромодановецтнэ кармась анокстамо эсист вечкевикс кандидатнэнь вастоманть. Райцентрань ульчатнесэ, соцкультурань кудосонтэ, В. И. Ленинэнь памятникентэ перька, учреждениятнесэ ульнесь понгавтнезь портретт ды лозунг.

10 часст. Ромодановской, Ладской, Ичалковской ды Чамзинской районтнэнь ниле тышадолэмо робочейть, колхозникть, служащейть ды тонавтицият пурнавсть трибунантэ икелев.

Арктикань завоевателентэ, ученоентэ, большевикентэ, орденонсецэнтэ Шмидт ялганть трибуналангс появтомс вастозь виев цяпамосо, „ура“ сееремасо.

Митингентэ панжизе ВКП(б)-нь РК-нь секретаресь Лобанова ялгась. Эсинэзэ валсонзо сон корты Верховной Советс кочкамотнеде. Терди весень максомс эсист вайгелесть родинань сех вадря ломантнень кис, Ленинэнь—Сталинэнь партиантэнь преданной ломантнень

кис—Отто Юльевич Шмидт, Кузнецов ды Курмышкин ялганть кис.

Пятинской вельсоветэнь „Красный факел“ колхозонь колхозниктнэнь пельде корты Волков ялгась. Сон евтни колхозниктнэнь зажиточной эрямодост.

— Весе колхозниктнэнь пельде кеместэ сьурдан Шмидт ялганть кеденэзэ,—мерсь валонзо прядомсто Волков ялгась. Отто Юльевич сьурдызе Волковонь кеденэзэ.

„Якстере сокиця“ колхозонь колхозниктнэнь пельде кортыцясь Иркаева ялгась евтни крестьянтнэнь икелень стака эрямодост, неень радостной, зажиточной эрямодост.

— Эсинек вайгеленек, корты сон,—максынек кеме большевикентэ Шмидт ялганть кис.

— Минь, Советской масторонь эйкаштнэ,—корты Галя Кузина пионеркась,—счастливыдяно, што эрятано истямо масторсо, косо арась рабства, косо ули трудиянть эйкаштнэнь кис мелявтома. Минек эйстэ ламотне касыть ученоекс, инженерекс, техникекс, вало северэнтэ исследователекс.

Ответной вал получась Отто Юльевич Шмидт. Трудиятне сон-

зэ вастызь пек виев цяпамосо „Ура“ Отто Юльевич Шмидт ялганть сееремасо.

— Ялгат! Весе седейстэнь,—корты Шмидт ялгась,—благодарю тынк, тынк довериянк кис. Тынк довериянк, мон, кеман, идиса.

Седе тов Отто Юльевич корты советской авиациянтэ успехтнеде, советской ученойтнеде, Арктиканть завоеваниядо, „Челюскиндэнтэ“, партианть ды правительстванть заботадо, минек родинань трудия народтнеде. Отто Юльевичень валонзо а стувтовицят.

Э синэзэ выступлениясонзо ВКП(б)-нь Мордовской обкомонь секретаресь Кузнецов ялгась мерсь:

— Тердянь весень, декабрянь 12-це чистэ максомс эсинек вайгелек О. Ю. Шмидт ялганть кис.

Митингесь единогласно примась телеграмма народтнэнь вождентэнь Сталин ялганть.

„Ура“ Арктикань завоевателентэнь Шмидт ялганть, „Шумбра улезэ Сталинской Конституциясь“, „Шумбра улезэ родной Сталин ялгась“ приветственной валтнэнь коряс ульнесь пекстазь а стувтовицят митингесь.

Вл. Ананьин.

## Парсте аравтомс пропагандистской роботанть избирательной Участкатнесэ

Саранск ошонь избирательной кемеце участкас весе мезе кучозь 21 агитаторт. Кода жо роботыть неть агитатортне ды кода провери сьнст роботаст избирательной участкань председателесь Глухов ялгась.

Ноябрянь 23-це чистэ теезель совещания агитатортнень марто, козонь 21 ломаньстэ сакшность ансяк 8 ломанть.

Избирательной участкань председателесь Глухов те шкас яла а содасынзе эсинзе агитаторонзо, кодамо сьнст подготовкаст ды маштовить а маштовить те ответственной роботанть,

21 агитатортнень пеледест ламотне эщо эсть кунсеяк роботамо ды арасельть участкасо. Саемс Утешев ялганть, кона те шкас учи, кода кочкиятне пурнавить вейс ды сон моли занятиянь ютавтомо прок представителесь. Саемс Киселева ялганть (пединститутсто), конась ютавтсь 2 занятия ды теде мейле вестькак эзь яка, маньшинзе ломантьнень, конат учокшность эйсэнзе.

Агитатортнень мельга кодамояк учет арась. Партийной комсомольской ды профсоюзной организацияне истя жо кодамояк проверка а ветить, кода роботыть агитатортне, конатнень сынь кучизь.

Партийной, комсомольской ды профсоюзной организациятнень нейке жо эряви примамс серьезной мерат сеть агитатортнень коряс, конат умышленно сезить те важнейшей политической теветь.

Избирательной участкатнесэ пропагандистской роботанть истя эряви аравтомс, штобу эрва кочкись содавлize кочкамонь законоть, Сталинской Конституциянь ды содавлize кинь кисэ карми максомозо эсинзе вайтелензе.  
Ф. Г.

## Советс кочкамотненень анокстамонть коряс совещания

Ноябрянь 17-це чистэ ВЛКСМ-нь Ромодановань райкомось ютавтсь колхозонь ударницатнень—од тейтертнень совещания, косо толковазь вопрос СССР-нь Верховной Советс кочкамотненень анокстамодотть. Совещаниянь делегатне эсь лангозост сайсть обязательства образцовоистэ анокстамс Верховной Советс кочкамотнень—декабрянь 12-це исторической чинтень, толковамс аватнень ды тейтертнень ютксо Сталинской Конституциянь ды избирательной законоть, сэрейстэ келедемс революционной бдительностень, штобу вейкеяк троцкистско-бухаринской нулгодькс ды лия пакость а нолдамс минек социалистической государствань управлениянь высшей

органс—Верховной Советс.

Вишка Березникень вельсоветнень „ДВК“ колхозонь ударницась Казанцева ялгась яволявть:

— Мон саян эсь лангозонь обязательства: весе вием путса кочкамотненень образцовоистэ анокстамонтьнень ды мейле сован комсомолс.

„Красный сормовец“ колхозонь паксянь ударницась—од тейтерес Малахова ялгась эсь выступления-сонзо мерсь.

— Минь, кодак сатано велев, кочкиця аватненень ды тейтертнень евтнесынек Верховной Советс депутаткс выдвинутой кандидатнень весе советской народонть счастиаст кис бороцямонь кист, сьнст эрямост.

## Агитатортнень роботаст а проверакшныть

Пединститутонь комсомолонь комитетесь пек парсте содасы, кодамо покш ответственность должен кандомс эрва комсомолецэ СССР-нь Верховной Советс кочкамотненень анокстамосонть. Но кода жо комсомолонь комитетесь мобилизовизе комсомольской организациянь те покштояк покш, ответственной теветень? Эряви видстэ меремс, што ковгак а маштовикстэ. Безответственно, шаблонно, бюрократически,—кундасть те роботанть.

Ноябрянь 18-це чистэ комитетесь тейсь заседания, косо потолкост саезь кияксос токамс сермадсь агитатортнень списка ды понгавтызь стенас. Кить тозонь сермадозь? Маштовить ли сынь агитаторкс? Истят мельть комитетнень члентнень прясосткак арасельть.

Результатнэ листь истят, што кона комсомолецтнэ спискасонт кемежастэ избирательной учас-

катнева, сынь агитационной робота кочкиятнень ютксо а ветить. Комсомолонь комитетесь (секретаресь Ащев) вестькак эсть кулсоно пельдест отчет, а содасызь кода роботыть агитатортне. Мик сынсь комитетнень члентнэ эсть сае лангозост истямо смелость, штобу модемс избирательной участкав ды варштамс, кода роботыть тозонь кемежастэ комсомолецтнэ.

Эрваволь бу а стувтомс се, што избирательной участкасо роботась—те сех ответственной тевет, конань кис отведи комсомолоськак. Агитаторотть ды пропагандисттэнтэ аволь ансяк сеньсэ задачказо, штобу ютавтомс занятия, эрви якамс кочкиятнень кудовасткак, толковамс весе а чаркодевике вопростнень кочкамотнень коряс.

Гурьянов.

Саранск ош.

## Тосо, косо беряньстэ аравтозь кочкамотненень анокстамонь коряс роботась—орудовать врагт

Игнатовань комсомолонь райкомось ды васняк сонзе секретаресь Арютин ялгась овси сезевсь СССР-нь Верховной Советс кочкамотнень анокстамонть эйстэ.

Политико-воспитательной робота комсомолецтнень ды аволь союзной од ломантьнень ютксо а ветить

Райкомось весе пропагандистнень, порвичной комсомольской организациянь секретартнень марто ютавтсь ансяк инструктивной 2 совещания, теде башка кодамояк ледамо первичной комсомольской организациятнень эзь максо.

Райкомсонть ды вейкеяк первичной комсомольской организациясо арась организовазь агитколлективть, лекторской группат, арась организовазь справкань макснемань столть.

Райкомсо арасель кунсолозь вейкеяк первичной комсомольской организациянь секретарень отчет, кода организациясь роботы комсомолецтнень ды аволь союзной од ломантьнень ютксо СССР-нь Верховной Советс кочкамотнень анокстамосонть.

Апак ютавт совещания од учительтнень, врачнень, агрономтнень

марто. Кодамояк робота арась избирательной комиссиянь члентнень комсомолецтнень марто, секскак кой-кона комсомолецтнэ избирательной комиссиянь члентнэ а содасызь эсист обязанностест. Примеркс Андреевка велень избирательной участкань избирательной комиссиянь председателень заместителесь а содасынзе эсинзе обязанностензе.

Весе тень могли использовать классово-враждебной элементнэ, конат эрва кода бажить сеземс Советс кочкамотнень коряс роботанть. Вана факт: Игнатова велесэ, районной работниктнень судост ало, классовый врагтнэ теить эсист гнусной тевет. Игнатовань избирательной участкасонть 45 ломантьнень кадызь избирательной прававтомо, избирательной спискас жо сермадсь народонь 7 врагт. Неть истят фактнэ аволь ансяк Игнатова, но улить избирательной лия участкатнесяк (Хухорев, Протасово, Спасское).

Избирательной участкатнесэ должны роботамс ансяк проверенной, достойной, партиянь теветнень педепев преданной ломанть. Но тень стувтызь Игнатова. Саемс примеркс, Спасской избирательной участканть, косо комиссиянь члентнэкс роботы Пиласов, конань род-

ственникезэ народонь враг. Казневкани избирательной участкасонть, избирательной комиссиянь председателекс роботы Геранина, конань социальной происхождениязо пек сомнительной. Истят факт можна муемс аволь ансяк неть избирательной участкатнесэ, но лиястояк.

Спасской велесэ бандитской шайкась, комсомолонь райкомонть ды Спасской велень первичной комсомольской организациянь политической беспечностест ды сокор-чист кувалт, тейсь эсинзе гнусной вражеской, бандитской теветнэ.

Те бандитской группас: Сухов И., Смирнов Д., Сухов Н., Масленин П., Смирнов А. Ноябрянь 11-це чистэ чокшне тейсть террористической акт—сынь пеельсэ лазызь комсомолецтнэ, Спасской участкань избирательной комиссиянь председателень заместителень. Бандитской те группас аволь ансяк теиде, но уж ламо нень перть тейни гнусной тевет. Но районной руководителтнень беспечностест кувалт сынь меельс шканть самс кадовкшность апак чумондо.

Р. Логинов.

## Кулось Сулейман Стальский

Дагестанской АССР-нь Касум-Кентской райононь Ашага-Сталь аулсонть 1937 иень ноябрянь 23-це чистэнтэ 10 чассто 45 минутасто кулось дагестанской народной поэтэсь орденоносецэсь, коммунистмань теветнэ кис активной бороцицась Сулейман Стальский.

Сулейман Стальскийнень ульнесть 68 иеть. Сьнст эйстэ сех ламотнень сон посветил седикелень народной горядонть, оляс немантьнень народонть кемематнеде морамонть. Меельсь шкань творчествасонзо жо сон невтизе минек масторонь трудицятнень счастливой, весела, валдо эрямост. Сон морась народтнень ине вождтнеде—Лениндэ ды Сталиндэ. Сон сермадсь покш ды паро поэма Серго Орджоникидзеде. Алексей Максимович Горький мерсь Сулейман Стальскоиде, што сон „XX-це пингень Гомер“. Сулейман Стальскоень творчествазо ашти советской литературанть сех вадря страницатнень ютксо вейкекс. Сулейман Стальский ульнесть советской писательтнень весесоюзной 1-це с'ездсэнтэ. Мейле сон кочказель ды меельсь читнень самс роботась дагесталонь советской писательтнень Союзонть председателекс.

Сулейман Стальский ютась эрямонь пек стака ки. Шачсь сон 18с9 иестэнтэ лезгинской глухой аулсонть Ашага-Стальсэ. Седейтеме тетясь панизе Сулейманонь аванть, ...зярдо сон пешксесэль. Ды бедной авась эсинзе церанть—Сулейман Стальскоень шачтызе эсь родиятнень кедьсэ. Авазо кулось рана. Сулейман понгсь лия авалень, кона сайнize сонзе воспитанияс. Те аванть кедьсэ сон эрять сисемь иес. Мейле тетясь сонзе саизе. Курок тетязо ормалгадсь ды лиссь превстэ. Ушодовсть скитаниянь иетне. Сулейманнень савсь туемс заработкас. Ды теде мейле сонензе пек стакасто савкшнось добувакшномс кши сускомонть, ламо сонензе савкшнось роботакшномс сьупавтнень лангс.

Весть Сулейман вастсь бродячей ашугтнень (народной певецтнень) марто. Сьнст моротне, чувстватне ды мельтне-превтне Сулейманнень марявсть истят малавиксэкс ды содавиксэкс, што сон серьгедсь: „Ведь неть монь валтнэ“. Курок Сулейман сонськак кармасть улеме ашугокс. Сулейманонь лангсо пелесть сьупавтне, эсть вечке эйсэнзе, но сон теевсь беднотанть вечкевикс поэтэкс.

Сулейманонь талантозо алкукс кармасть касомо ансяк Октябрьской революциядонть мейле. Ансяк советской властес макссь тензе паро эрямо. Ды сонсь Стальский ульнесть социализмань строямонть кис активной бороцицакс. Сон ульнесть выдвинутой СССР-нь Верховной Советс депутаткс кандидатокс. Стальский кулось, яла теке сон минек седейсэ кадови народной избранникекс.

Ответ. редакторось  
И. ТЮРЬКИН.